

Broj: 01-06-06/3-11-3-174/22
Sarajevo, 19.12.2022.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine ("Službeni glasnik BiH", br. 39/14), i Zakona o izmjenama i dopunama Zakona o javnim nabavkama ("Službeni glasnik BiH", broj 59/22) federalni ministar unutrašnjih poslova, **d o n o s i**

ODLUKU

o dodjeli okvirnog sporazuma za nabavku rezervnih dijelova i dodatne opreme za vozila marke „VW“ u toku 2023. godine i 2024. godine

I

Na osnovu odredbi člana 64. stav(1) tačka (b), člana 69. stav (1) tačka a) i člana 70. Zakona o javnim nabavkama ("Službeni glasnik BiH", broj:39/14) i Zakona o izmjenama i dopunama Zakona o javnim nabavkama ("Službeni glasnik BiH", broj 59/22), a na osnovu Odluke o pokretanju postupka javne nabavke rezervnih dijelova i dodatne opreme za vozila marke „VW“ u toku 2023. godine i 2024. godine, putem konkurentskog zahtjeva broj: 01-06-06/3-11-3-174/22 od 23.11.2022. godine i Obavještenja o nabavci, broj: 405-7-1-113-3-56/22 od 24.11.2022. godine, dodjeljuje se Okvirni sporazum za nabavku rezervnih dijelova i dodatne opreme za vozila marke „VW“ u toku 2023. godine i 2024. godine.

II

Okvirni sporazum za nabavku rezervnih dijelova i dodatne opreme za vozila marke „VW“ u toku 2023. godine i 2024. godine dodjeljuje se ponuđaču „MIRADO“ d.o.o. Tuzla, koji je dostavio najnižu cijenu ponude u iznosu od 16.158,00 KM bez PDV-a i koji ispunjava sve uvjete predviđene Tenderskom dokumentacijom.

III

Obavezuje se Sektor za materijalno-finansijske poslove Federalnog ministarstva unutrašnjih poslova/Federalno ministarstvo unutarnjih poslova, da shodno Zakonu o javnim nabavkama pripremi sve potrebne akte za sklapanje Okvirnog sporazuma sa ponuđačem „MIRADO“ d.o.o. Tuzla.

IV

Ova Odluka objavit će se na web stranici Federalnog ministarstva unutrašnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

V

Ova Odluka stupa na snagu danom donošenja.



Obrazloženje

Rješenjem Federalnog ministra unutrašnjih poslova, broj: 01-07-07/2-11-3-147/22 od 16.11.2022. godine, formirana je Komisija za provođenje postupka nabavke svih roba, usluga i radova za 2023. godinu i 2024. godinu putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova. Odlukom o pokretanju postupka javne nabavke rezervnih dijelova i dodatne opreme za vozila marke „VW“ u toku 2023. godine i 2024. godine broj: 01-06-06/3-11-3-174/22 od 23.11.2022. godine, za potrebe Federalnog ministarstva unutrašnjih poslova-Federalnog ministarstva unutarnjih poslova i Obavještenja o nabavci broj: 405-7-1-113-3-56/22 od 24.11.2022. godine pokrenut je postupak javne nabavke.

Komisija je dana 7.12.2022. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku rezervnih dijelova i dodatne opreme za vozila marke „VW“ u toku 2023. godine i 2024. godine. Komisija je konstatovala sljedeće:

Da su za predviđenu nabavku pristigle četiri blagovremene ponude i to:

1. Ponuđač „**MIRADO**“ d.o.o. Tuzla, sa ukupno ponuđenom cijenom od 24.979,38 KM bez PDV-a, odnosno 29.225,88 KM sa PDV-om;
2. Ponuđač „**AUTOELEKTRA**“ d.o.o. Sarajevo sa ukupno ponuđenom cijenom od 34.542,12 KM bez PDV-a, odnosno 40.414,26 sa PDV-om.
3. Ponuđač „**AC QUATRO**“ d.o.o. Sarajevo, sa ukupno ponuđenom cijenom od 75.675,64 KM bez PDV-a, odnosno 88.540,51 KM sa PDV-om;
4. Ponuđač „**KARE**“ d.o.o. Sarajevo, sa ukupno ponuđenom cijenom od 24.897,74 KM bez PDV-a, odnosno 29.130,34 KM sa PDV-om;

Pregledom blagovremeno pristiglih ponuda u postupku javne nabavke rezervnih dijelova i dodatne opreme za vozila marke „VW“ u toku 2023. godine i 2024. godine Komisija je ustanovila da:

- Ponude ponuđača „MIRADO“ d.o.o. Tuzla, „AUTOELEKTRA“ d.o.o. Sarajevo, „AC QUATRO“ d.o.o. Sarajevo i „KARE“ d.o.o. Sarajevo su prihvatljive za ugovorni organ jer sadrže sve elemente i ispunile su sve kvalifikacione uslove iz Tenderske dokumentacije.

Pregledom svih blagovremeno pristiglih ponuda, Komisija je izvršila i računsku provjeru ponuda ponuđača i konstatovala računске greške kod „MIRADO“ d.o.o. Tuzla i „AUTOELEKTRA“ d.o.o. Sarajevo, te uputila zahtjev za prihvatanje ispravki računskih grešaka ponuđačima:

- „MIRADO“ d.o.o. Tuzla, je prihvatio zahtjev i dostavio saglasnost za ispravku računskih grešaka, te ponuda ponuđača nakon ispravke iznosi: 24.898,44 KM bez obračunatog PDV-a.
- „AUTOELEKTRA“ d.o.o. Sarajevo, je prihvatio zahtjev i dostavio saglasnost za ispravku računskih grešaka, te ponuda ponuđača nakon ispravke iznosi: 34.502,12 KM bez obračunatog PDV-a.

Tenderskom dokumentacijom za javnu nabavku rezervnih dijelova i dodatne opreme za vozila marke „VW“ u toku 2023. godine i 2024. godine i Obavještenja o nabavci, broj: 405-7-1-113-3-56/22 od 24.11.2022. godine, predviđeno je korištenje e-aukcije. Komisija je nadležnoj službi 9.12.2022. godine dostavila zahtjev za zakazivanje e-aukcije, koja je provedena 12.12.2022. godine sa početkom u 10,00 sati, u skladu sa Pravilnikom o uslovima i načinu korištenja e-aukcije.

Po završetku e-aukcije sačinjena je konačna rang lista prihvatljivih ponuda sa cijenama kako slijedi:

Red. br.	Naziv ponuđača	Konačna cijena u KM bez PDV-a	Umanjenje cijene	Rang
1.	„MIRADO“ d.o.o. Tuzla	16.158,00 KM	35,1%	1
2.	„KARE“ d.o.o. Sarajevo	16.183,10 KM	35%	2
3.	„AUTOELEKTRA“ d.o.o. Sarajevo	19.975,00 KM	42,11%	3
4.	„AC QUATRO“ d.o.o. Sarajevo	21.000,00 KM	72,25%	4

S obzirom da je kriterij za dodjelu Okvirnog sporazuma najniža cijena, polazeći od gore navedenih konstatacija i činjenica, a u skladu sa Tenderskom dokumentacijom i članom 64. Zakona o javnim nabavkama, Komisija je utvrdila da je ponuđač „MIRADO“ d.o.o. Tuzla dostavio najnižu cijenu u iznosu od 16.158,00 KM bez PDV-a, te da je ponuđena cijena u okviru procijenjene vrijednosti javne nabavke od 25.0000 KM bez PDV-a.

Shodno kriterijumu za dodjelu Okvirnog sporazuma, a u skladu sa članom 64. stav (1) tačka b), članom 70. Zakona o javnim nabavkama („Službeni glasnik BiH“, broj: 39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), Ugovorni organ vođen Izvještajem o radu Komisije i preporukom o dodjeli Okvirnog sporazuma, odlučio je kao u dispozitivu ove Odluke.

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka).

Dostaviti:

1. Ponuđačima x4,
2. Sektoru za materijalno - finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis



SM/ZK

FMUP- ODL